

墓誌

墓碣銘

碑文

行狀

共六

晦屏先生文集

數



晦屏先生文集卷之十

墓誌

故承訓郎真寶縣監松塢李公墓誌銘

松塢李公之歿今已百八十餘年遺文實蹟散佚殆盡墓道闕顯刻石仍居在赤羅地者不少相與感慨興歎懼終湮晦以公逸稿若干篇行錄一通諸賢寄贈諸篇屬體仁請序次為實紀繼為誌書幣屢懇謹按公諱軫字君任號曰松塢延安人鼻祖諱茂以唐中郎將從蘓定方來征百濟留貫焉後有諱係孫仕高麗為工曹典書又有諱末丁我朝禮賓寺少尹贈左贊成延城



府院君移居知禮是生諱淑璜文科直講 贈判校判  
校生諱亨禮教授 贈參議移居赤羅參議生諱國祿  
進士是為公會祖祖進士生諱貞孫吉州教授娶陽城  
李氏司直元守女參判拱孫中樞府事靖平公純曾孫  
是為公考妣公以嘉靖丙申八月十三日生庚戌十一  
月二十五日終翌年三月葬松峴坐酉原享年七十五  
公與弟南溪公諱輔俱以文行聞當世始薦為習讀再  
薦為寢郎不赴當壬癸倭寇為本縣守城都監與安東  
義兵合區畫多方言論激切慨安集使 啓薦為直  
長乙未為主簿不赴時 朝廷特選廉謹有才行守令

兄弟一時登選南溪公除唐津公除真寶尋以治行陞  
資除開寧公辭以疾歸而首精舍于南溪之上伯仲湛  
樂抱書歌咏養真修潔優游終老蓋其孝友之篤於內  
者嘗藥嘗糞晝宵不解帶三年廬墓號孤昕夕而勸弟  
力學成就卒為聞人其才德之著於外者謀聚鄉兵畫  
計捕倭當亂蒞縣不忍嘗珍羞政懋寬厚一境安堵操  
之清者解官將歸乘牝畱其駒既還室如懸磬至被嘲  
笑無悔趣之高者白首林泉絕意名利婆娑初服自適  
無求顧奚從得此哉公嘗從遊西崖五峯守拙齋諸賢  
之間惟詩書經訓是究義理是資諸賢之屬望期擬固

不淺而公之自處不苟遂以是行之一身而授諸後人  
至今一方稱慕餘教可驗豈曾無所本而然哉公娶安  
東金氏引儀世佑女松隱公光粹孫先公幾年沒與公  
合寔生三男曰宗可都事曰忠可生員曰從可承仕郎  
二女適李船參奉李挺南宗可二女適洪重慶權璵南  
碩嗣子重美忠可二男東美重美弘美從可一男昌美  
餘未盡錄銘曰

闕閱之華蔚文獻也賢彦之交資警論也血淚廬墓行  
謹愿也銅草著績邦無怨也魏苗留犢警言貪溷也碩人  
在澗志喜遯也鄉隣問業誨繡繡也墳虎終譽沒無恨

也聲塵莫追恐日遠也刻銘埋幽來世勸也

故龍驤衛副司直尹公墓誌銘

有山號牛頭峙者在昌禮兩邑之交谷狹多阻爲南路  
咽喉往往英廟戊申善山義士副司直尹公以金烏  
鎮先鋒破虜賊其間原陸不改遺躅如昨爲將鬚髯公  
之影響公諱重邦字任卿氣宇宏偉身長七尺少從事  
弓馬亦博洽善書藝倜儻多大略早喪父事母孝未嘗  
一日暫離逮戊申兇徒猖獗金烏鎮帥朴公馳檄鎮下  
募取義士公蹶然起曰生爲丈夫稍解組練不遇盤錯  
無以別利器國難之謂何敢以疾辭挺身躍出手劍

詣軍門謁鎮帥自請赴難帥大喜許之時公母年八耄  
疾病奄奄公詣母告行遲回不忍發母正色語曰君親  
一致其如國危何汝往哉無念老母為也公拜辭出時  
主帥已出陣金陵公疾馳往入謁獻策曰我軍不慣兵  
革賊謀難測地利不便恐易致奔潰莫如先遣數人察  
賊勢虛實諭以逆順禍福以撓其心我且以大衆壓之  
兵可無血刃而破也主帥曰諾遂帖公為先鋒將公奮  
起以立曰戰陣無勇非孝也老母臨別之言其忍負諸  
吾不殺賊不歸見老母遂誓于衆曰一乃心力連次發  
炮有進無退不者用一釧殪之乃與都指揮黃公道熙



同心決死生鼓行前進抵牛頭峙下與賊相遇望見山  
上旌旗羅列衆皆惶懼公令麾下人詐爲降卒夜投  
賊陣誘致賊卒賜之座撫詢賊勢與黃公草諳檄八帖  
備論逆順禍福之理賂所致卒持諭賊中令人登高向  
賊陣大聲呼諭之曰若等均是在王民爲兇賊所脅自陷  
誅戮可哀也今巡撫使方率大兵西下善山尚州兩鎮  
自北挾至星州晉州自南而來若等命如朝露欲自圖  
生盜亦速斬賊魁頭來乎賊衆聞之錯愕喪心於是策  
馬勵兵整敕部伍擊鼓揚旗且前且呼賊皆望風自潰  
勢若土崩捐旗鼓輜重禽駭獸竄賊魁熊佐崇坤走希

亮素莎陣素莎賊亦遂駭散於是公命軍吏收賊旗鼓  
獻捷于主帥遣壯士數十追奔至素莎賊衆自相蹂躪  
擊刺縛致三魁爲晉州鎮所奪南路遂平黃公憲晉州  
掠取人成功欲馳往推賊首公曰賴天之靈幸了國事  
顧我方急於省親不空曠時日也謁主帥請歸帥曰賴  
子先登戮力獲殲兇酋顧乃脫然不以爲功急於返面  
若子可謂忠孝兩全公歸拜母母方呻吟在牀欣然起  
坐曰不料今者得見生還母子重逢家國同慶公嘗自  
爲日錄一通記其事甚詳蓋當日領下破賊之功當以  
金烏陣爲最舉一陣之功當以牛頭峙先鋒一捷爲首

至今山下父老相傳誦公名不衰 朝廷錄其功加公  
折衝階拜巡將副司直論者謂未足償其義也後公歿  
四十餘年當今 上戊申以舊甲重回訪前日倡義人  
府輒以公名聞子孫呼顓道儒陳疏而以已蒙 褒典  
見沮為可恨已公以 肅宗丙寅九月十二日生 英  
宗乙丑八月十五日卒葬開寧松川坐亥原尹氏系出  
平山鼻祖諱巨臣高麗紫金魚袋有子諱義輔孫諱尚  
著皆我 朝判書有諱弘宣進士號墳齋為公高祖有  
諱義傳諱商老為公會祖祖考諱東藩妣昌寧成益昌  
女據義割恩送子剋賊議者謂乃母與有功焉妻淑夫

人玉山張氏應辰女生癸亥九月初二日卒戊辰八月  
二十二日祔葬公墓有三男二女男汝欽汝鎔汝鐸女  
金一壽張趾行汝欽有三男相鱗相烈相穆二女適司  
諫趙錫穆佐郎金振久汝鎔有三男相五相和相衡三  
女適金復和別檢李昌胄盧復文汝鐸有二男相民相  
東一女適丁載樑金一壽六子一女夢兌夢履夢觀夢  
齡夢駿夢 女適李安禎張趾行二男壽民壽坤餘未  
盡錄銘曰  
牛頭之山遮截湖嶺厓谷崎嶇惟公義勇與山齊屹行  
路起欽刻銘埋幽于壙之前百世可尋

亾友李立齋墓誌銘

聞韶縣南盤龍山庚向之原蓋有吾亾友立齋李公仲  
休之墓公之歿且葬殆二十年于茲矣體仁顧以平生  
舊交相愛重如骨肉苟吾爲一言刻其幽堂得不朽吾  
亾友萬一吾雖無文其忍辭諸公諱夢靖字幼覺仲休  
其舊字也公始名徽靖後改名若字顧以仲休行之久  
故人輒以是稱之不能變也公以 景廟甲辰八月三  
日生 英宗丙申十一月二十三日歿享年僅五十三  
嘗受學于大山先生先生於公從祖兄也欲公振拔自  
立命其齋曰立公既沒其堂兄華巖翁仲則父謂公之

賢不可無號爲修行蹟一通名之曰立齋遺事遂以爲  
號亦古人貞曜義也公生三歲母歿鞠于其庶祖母自  
幼端靜沈厚不與羣兒戲嬉及就學始若魯鈍卒以勤  
得之才思日進實行著於家事繼母如事所生侍先公  
和怡順志唯諾必謹及遭喪執禮三年不懈處弟妹無  
間言待庶祖母庶叔不以分義或問其篤於倫理蓋如  
此也年十四登師門遜志請教日夕燕侍聞下學上達  
之旨凡灑掃應對進退之節與夫天人性命之說無不  
服習而熟講之擣染旣久游心浸厚特見許以浚沈有  
味傍治舉業有能聲歲庚申以童子赴荆圍對西銘策

淋漓不停筆見者嗟異屢獲鄉解屈省試不以得失動  
其中惟讀書敕行取心經近思錄朱子節要等書手抄  
口誦服膺體驗必要其實得于中間居獨處莊敬自持  
無惰慢邪僻之氣俚嫫之言不出諸口晨興謁家廟退  
而開卷端坐諷詠潛究几格之間不見雜物待人接物  
溫然和易無涯異斬絕之行亦不肯屈已循人人亦不  
敢以非義相加文詞筆翰藹然夙成其少時所著母自  
欺自強不息時習等說勿忘勿助與奮飛魚躍同意辨  
等篇及與同志往復諸書皆平正淳實交相警勵讀之  
足以驗其所志往往發爲詩歌亦出於性情多可觀年

齡向晏操履益確庶將飽飫墳典講究存養日就崇煖  
而吾儕不幸天未假年奄忽以逝惜乎其遊於翠設而  
未及盡其設率也季氏系出韓山遠祖諱稽號牧隱高  
麗門下侍中諡文靖公高祖諱弘祚號睡隱官縣監曾  
祖諱孝濟祖諱碩者考諱晟和皆不仕妣鐵城李氏諱  
時綱女繼妣真城李氏有二弟一妹公凡再娶前配南  
陽洪氏考諱起東見公嘗入圍射策異之妻以女生一  
男不育後配真城李氏退溪先生八世孫無子女乃取  
弟基靖子埏爲后埏未冠而公乃歿有詩文若干篇藏  
之家乃仲氏學靖師文父所嘗收拾也師文父又不幸



早逝基靖士構父續拾成卷持以屬華翁述遺事旋既  
冠又克繼其緒以體仁知乃翁最淡賈遺事若遺文來  
托請誌諸墓噫亦孝也體仁既拊卷興悲咄再三不已  
略叙始終而系以辭辭曰

何志之篤何行之力何壽之蕃何命之鞠生也得力問  
學歿也不必淡憾後有過其墓者為諭往蹟或駐馬不  
行而興感躑躅

故通訓大夫迎日縣監龜巖金公墓誌銘

金氏之貫慶州而祖新羅敬順王者居屏山治之北十  
里道樂村衣冠數十餘人有曰龍雨袖其先祖龜巖公

碣文一通謁體仁錦淵之上拜且言曰慶州氏布在國中而顧居道樂者獨以故縣監龜巖公爲中祖公之歿于今已二百七十餘年墓在長湍花莊山負坎之原故郡守金公世良爲述公行刻墓道金公亦慶人也嘗以行義文學見許於晦齋李先生是其所述固宜傳信永世而顧幽堂無誌時代旣久恐遂湮夷敢以郡守公所爲碣文以介於夫子幸辱惠一言使之歸瘞墓前是數百年幾晦之蹟乃得賴以復明敢拜手以請體仁辭不獲謹按公諱謹信字孝兼實敬順王裔孫五世祖諱球判書高祖諱牧成參議曾祖諱善周承旨承旨生察訪

諱恭益察訪生諱德亨於公為皇考妣宜寧南氏持平  
慶祖女公以正統戊辰十一月十一日生幼端慤有至  
性生五歲拾園果輒歸獻父母曰念父母未敢先嘗八  
歲受童蒙先習至人不知五倫近禽獸之句書揭壁上  
誦之曰人子於此句可不知懼哉下堂傷其手感然曰  
身體髮膚受之父母今五只不謹致此宜受不孝之罪折  
楚請笞十歲母病甌血指和藥以進之焚香祝天請以  
身代居喪哀毀如成人母病時思西菰非其時不得故  
終身不食西菰及長侍父病又嘗糞血指及來年已始  
衰號踊歎粥盡禮無憾葬與母同塋廬墓終制西菰自

生墓前結如盆大虎日夕來護廬側人以為孝感喪既  
闋日上墓躑躅哀省不以微疾或廢祭必齋沐監辦達  
夜哀慕待宗族鄉隣誠信溫柔救菑恤患各得懼心義  
利之辨斬釘截鐵不依違兩端人有過失誠心曉誘之  
無不感悟歲甲子年五十七道臣薦除迎日縣監居官  
數載清白勤謹刮祛俗習頌聲載路未幾解歸就花莊  
山敬順王墓下結草廬居之教授子弟徜徉終老簷前  
有巖龜伏扁其廬曰龜巖齋仍以自號正德丁丑正月  
十七日卒享年七十以是歲四月日葬從先兆也配海  
川李氏進士宗國女墓與公同穴有一子名侑參奉道

樂之族皆由是出焉龍雨於公九世孫也銘曰  
雞林苗裔續簪笏也沒身孝思天賦出也拾園歸哺類  
懷橘也於菟守廬感暴物也割雞著聲服廉潔也棲遲  
楸下樂晚節也衣冠永閔堂斧屹也雲仍瞻慕路復絕  
也刻銘埋幽名不滅也樵牧相傳戒侵伐也

先考處士府君墓誌銘

府君諱道萬字大原姓申氏鵝洲人遠祖諱允濡高麗  
版圖判書是生諱祐高麗按廉使至孝廬墓有雙竹之  
異載三綱行實越九世而有諱之悌承旨 贈吏曹參  
判號梧峯是為府君五世祖有諱弘望正言號孤松是

為高祖諱漢光宣教郎諱叔範是為曾祖祖考諱音龜  
妣載寧李氏通仕郎穩女府君以 肅廟壬午二月日  
生以 英宗丙子五月日歿享年五十一葬義城金窟  
沙阜庚向原府君容顏魁俊身短體豐性嚴重臨事取  
辦不動聲色或沈默良久乃發毅然執大體不曲循情  
私有氣力把握維持子弟皆嚴憚之好古尚德樂與豪  
傑從遊倘儻有大志欲必有為當世既不得則家居養  
威重不循俗浮沈喜賓友迎送或殺雞置酒不倦訓子  
弟不屑小成就要做巨儒盡力宗事以扶衰振頽為已  
任奉身儉約雖弊褐羸馬不恥也嘗築小齋于龜湖之

岸扁曰敬松爲先祖孤松府君所愛古松在後也未幾  
松爲風雨所倒齋亦不保晚年又移居錦山之陰結草  
廬在谷每步履登臨東麓欲置一小亭未就而歿長子  
體仁奉喪還龜湖舊宅府君前後凡三娶前配義城金  
氏以淑哲稱考諱敏行妣務安朴氏以庚辰八月日生  
戊午三月日先府君十八歲歿葬義城羽谷孫義洞丁  
向原別有墓誌繼配河濱李氏考諱繼新妣仁川李氏  
以辛丑六月日生壬戌十一月日先府君十四歲歿墓  
在府君墓前坐吳向乾後配英陽南氏考諱胤星妣東  
萊鄭氏以壬寅正月日生壽今七十金氏生一男三女

男卽不肖孤體仁女權知注書趙進道李學靖金百能  
李氏無子女南氏生二男二女男顯仁世仁女尹相烈  
李淵愚體仁有長子鼎彬未冠顯仁早歿有一子鼎吉世  
性未冠冤折季曰鼎彬未冠顯仁早歿有一子鼎吉世  
仁新生一子有一女幼趙有二子居信居讓李有三子  
垗垗垗一女權冲度金有一子宅潤二女柳洛文趙崇  
復尹李子女皆幼鼎辰年晚無子只有幼女後當有嗣  
體仁亾婦柳氏張氏亦繼窆階下體仁終當與之同歸  
歡侍如平日遂泣血而爲之銘曰

靡瞻匪父昊天罔極幽宅永寧夏千百億庶終歸侍歡



如平昔

先妣孺人義城金氏墓誌銘

先妣姓金氏以新羅敬順王子義城君諱錫為始祖遂以義城為氏七世祖諱克一官牧使與弟文忠公鶴峯先生同遊退溪門號藥峯五世祖崇禎處士諱是楹參奉贈執義號瓢隱祖諱之鐸考諱敏行并有重望妣務安朴氏諱震相女退溪李先生玄孫誠哲外孫先妣以肅宗庚辰八月日生年二十一歸于我先君先君姓申諱道萬字太原個儻有大志承旨贈吏曹參判梧峯先生諱之悌五世孫止言號孤松諱弘望玄孫宣

教郎諱漢老曾孫祖曰叔範考曰賁龜先妣生長禮法  
之門獲相君子淑哲嫵婉蹈仁持禮節度嚴謹明達事  
理有女史風事舅姑盡孝道處妯娌無間言教子女有  
法御婢僕恩威併至覃及閭里下賤無不欽誦畏服歲  
戊午三月日以痘疾捐世享年三十九葬義城羽谷坊  
孫義洞丁向原與吾曾祖妣墓實相近記體仁嘗幼  
失母伶仃穉駮或出遊街巷適鄰舍諸父諸母及里中  
男女老少無不顧余嗟傷或至泣下娓娓誦說先妣行  
蹟不已尚炯然如昨日事先妣歿後越十八年丙子先  
君下世葬義城沙阜庚向原與先妣墓相距五十里先

君始卜壽藏欲必先移先妣墓葬之卒與之同穴而輒  
爲堪輿家所沮止之每以爲恨先妣生一子三女子卽  
不孝體仁女長適權知注書趙進道次適李學靖金百  
能體仁長子鼎辰生員次鼎來鼎鄰并有才性未冠寃  
折季鼎彬趙有二子居信居讓李有三子坳坳均一女  
權冲度金有一子宅潤二女柳洛文趙崇復先妣旣歿  
後幾年先君又晚娶有二子顯仁世仁二女適尹相烈  
李淵愚當并與爲三男五女顯仁早歿有一子鼎吉世  
仁及尹李子女皆幼體仁惟兩親塋域異所林麓迷茫  
不孝一子衰病垂死若不爲一言以誌幽堂恐百世之

後遺恨無窮用是憂懼謹略述大槩如右係之以辭辭  
曰  
窮山亂峽中一墓寂寥在萬壘松檜裏南望先考幽宅  
邈然相隔以五十里想魂魄恍惚來往無遠適懼淑行  
懿範之終湮沒無傳遺子若孫叫泣瞻慕不已

先王考處士府君墓誌銘

府君諱貴龜字顯叟姓申氏鵝洲人有諱允馮高麗版  
圖判書子諱祐高麗按廉使至孝廬墓雙竹生墓前載  
三綱行實於府君為遠祖高祖諱之悌承旨 贈吏曹  
參判號梧峯曾祖諱弘望正言號孤松祖諱漢老宣教

郎考諱叔範妣義城金氏宣教郎燮女經歷是樞孫鶴  
峯先生諱誠一玄孫府君以 肅廟丁巳三月日生身  
短體弱顏貌皎潔朗然有精采少受學于護軍南公碩  
賚博習經史爲文詞紆餘醇渾不事雕琢獲選鄉解不  
利省試絕意名利間居燕養絕不與鄉里是非養親奉  
先課訓子姪列植花藥滿園松竹蕭森岸幘搖白羽日  
偃仰其間惟意所適非大疾病必晨起盥漱歲時令節  
入見家廟退坐于堂諸子諸姪及衆婦女以次夏進拜  
謁慈天均覆色笑溫溫和氣盈室六十年如一日鄉鄰  
知友無不欽誦歲乙丑二月日考終于寢享年六十九

葬義城佳道谷已向原從先兆也配孺人載寧李氏通  
仕郎樞女參奉尚逸孫參奉 贈吏曹判書時明曾孫  
梅齋李先生玄孫洸外孫孺人孝友淑婉著稱鄰里妯  
娒娣姒之間人無間言有府君祭文可攷生丁巳歿庚  
寅墓在府君墓後後配沃川全氏考諱益相祖諱是恆  
曾祖生員諱有欽外祖金喬齡生丁卯歿甲戌墓在府  
君墓西麓卯向原李氏生三男長道三生員次道九次  
道萬全氏生四女適權顯柳聖宗生員柳載春生員鄭  
履寅道三三男重仁有文行早歿近仁通德郎好仁出  
繼二女權正鄰金宗泌道九四男輔仁就仁述仁益仁

四女李穰朴尚坤姜世慶崔興達道萬三男體仁顯仁  
早歿世仁五女注書趙進道李學靖金百能尹相烈李  
淵愚權瀨一子以璣一女 柳聖宗無后柳載春

四子胤祚觀祚洛祚禎祚鄭履寅一女姜必名重仁有  
子鼎沃亦早歿繼定階下鼎五權攝宗事近仁有子鼎  
凝鼎年出繼好仁有子鼎文鼎武鼎忠輔仁嗣子鼎德  
就仁有子鼎德出繼鼎祿述仁有子鼎夢益仁有子鼎  
福早歿鼎乃鼎才體仁有子鼎辰生員鼎彬未冠顯仁  
有子鼎吉內外曾玄不能殫記銘曰

先兆之下神劔重會越瞻西麓坐域相對賢胄歸侍繼

窆其側庶幾永寧夏千百億

曾祖考處士府君墓誌銘

申氏貫鵝洲者皆祖高麗按廉使諱祐雙竹著異揭蹟  
圖史自是逮我朝簪組相望有諱之梯號梧峯官承  
旨贈參判爲府君曾祖有諱弘望號孤松官正言爲  
府君祖諱漢老宣敬郎爲府君考妣豐山柳氏參奉諱  
元慶女府君以仁祖戊子閏三月日生肅宗癸巳  
十二月日歿葬義城西寺洞丙向原與孺人金氏同穴  
其階下蓋有子生員墓孫道濟墓以次繼葬府君諱叔  
範字國模生而天稟重厚家訓有方孝友勤儉忠信剛



嚴生甫十五丁內艱二十九丁外艱哀毀踰制事繼母  
都氏盡誠無憾撫育諸弟無間言爲諸弟擇師築室居  
之使之講授奉先祀極致誠敬齋沐將事不以衰病或  
懈冬至服黑團領率子弟行祀好施與不計家之有無  
妹壻遠謫脯巨牯贖送助饌又送奴造鞋資糊口恤親  
族窮匱婚姻喪葬竭力辦助資族子宿春具奴騎千里  
應舉得雋族兄有以其亾奴田來賣旣買而奴有子來  
推笑而許之族兄乃欲割土償之責不受相對火其券  
有庶從弟畜婢生子謂不忍奴骨肉不一錢許贖從良  
外親有以非理推還田人許之無難色沒身不一言輪

蹄滿門欣然迎送齎資凶年待別穀待可兒家或匱乏  
無悔歲貯墨數千丁寄族親賓友殆盡甫甃適隣舍有  
客服衰臨珍羞以雉腳遺之辭以祖父有訓不食肉有  
喪之側晚遊京城辭銓官勸畱注擬以鄉人代薦入場  
圍知主司覓已不親呈券勸子弟課學不怠爲先墓刻  
石表隧爰逮三世肇拓門閭初起傑宇永鞏基業爲外  
氏涕泣乞哀立嗣功存內外業著重恢而宗胄繼殞時  
代迭促行將遷主出廟豈不悲哉孺人金氏系出義城  
考諱燮宣教郎祖諱是樞經歷曾祖諱漢洗馬鶴峯先  
生玄孫女也生丙戌歿乙巳閨範夙著獲配君子敬於

夫黨厚於鄰里柔而貞婉而莊有女史風焉生四男二  
女男長貴龜次復龜次震龜生員卽繼葬階下者也次  
泰龜通德郎女長適張東杜無后次適呂屎貴龜三男  
四女男道三生員道九道萬卽吾先人女權灝柳聖宗  
生員無后柳載春生員鄭履寅生員復龜一男三女男  
道天女孫雲述李熙米全益濟震龜三男三女男長卽  
道濟早歿道海道河女姜日復李桂臣張命穆泰龜二  
男一女男道通道互女權大升呂屎一女李鴻臣嗣子  
齊璜餘未盡錄體仁以渺然末孫未得承顏逮事潛德  
幽光欲述無因只据從祖生員公所撰行錄一通謹序

次之如右繼以銘銘曰

按廉之後梧松繼起傳及今胄德茂功懿承前裕後澤  
流支宗賙隣恤族義急濟窮科宦若浼苟求非心芬苾  
是謹禮容欽欽賢配同兆幽宅允臧從子若孫永寧無  
疆

從祖成均生員竹厓公墓誌

從祖竹厓公生員府君墓在羽谷坊寺洞丙向之原曾  
祖考處士府君階下與友人南氏同窆內外世系實詳  
載處士府君墓誌公以 肅廟庚申九月十六日生諱  
震龜字文叟幼聰明強記才思穎發長益刻苦勵學日

有聲儕友間爲文詞軟雅敏妙適用不滯筆札燁然令人奪目嘗受學於護軍南公碩賚背誦經史無礙滯遊甥館做賦義策操筆立就未嘗苦吟沈思外舅博士南公嗟賞不已言論堂堂與人論事當否得失辨成敗利害崢嶸颯發鋒穎凜凜見少不可輒面折之如摧枯拉朽不少饒儕類憚之做事勇進擔當不逡巡顧疑斷斷力主大義斬釘截鐵無少回互雖終落魄不遇沒身草野未能少施當世然居在鄉曲隨事効志凡係家鄉民國日用大小大事無不隨分致力焦竭心思必竣結乃已多焯然可稱庚寅中生員遊國庠業明經學所與交

皆一時才俊癸巳在頻齋聞處上府君喪千里奔赴遘  
癘中途幾危得甦戊申春參別試鄉解赴京城中途聞  
逆變猝起還抵稷山縣縣宰全公姻友也未及聞賊報  
見公歡笑出迎公語以變全公書生也倉猝惶懼公乃  
畫贊方略鳴笳聚卒守城報營俄有一郵官被賊掠來  
投本衙公據義論責謂不可離所司郵官慚謝卽還公  
旣歸乃糾率一門親族首事倡義與鄉人同志相應欲  
必赴矢石一死聞賊伏誅乃罷晚乃卷懷林野絕望當  
世就居第之傍築小窩種竹繞階扁之曰竹厓精舍因  
以爲號日治文攷書其中冬夏聚鄰族子弟勸課不輟

掌一鄉學校文獻修繕唱勵不以爲勞刊先祖兩世文集廣鋪傳後爲先考先祖考撰銘碣行錄爰及傍祖無遺伯氏喪畢胄孫年尚少懼宗業或替乃會同堂諸族令胄孫執筆并籍前世土田臧穫成約辭載之共署名其下爲券以藏之若此類不能盡記曷不足以略窺公志業萬一歟甲戌二月十七日終于寢享年七十五所編著有家乘奔喪日記羣書彙覽等書遺稿若干篇臧在本家友人南氏系出宜寧考諱圖翼卽博士公祖諱廬承旨外祖縣監諱允協漢陰李文翼公後也宜人以甲子正月十六日生年甫十五歸公儀容清婉德性和

厚借老五十餘年始終無違行癸未十二月一日歿而  
耐公嘗自言始余喪長子泣請伯氏曰吾兒才行先君  
所鍾愛願從葬先君墓下虛其後一坎待吾夫妻死葬  
之歸侍父母無憾亦以慰孤魂相依伯氏憐而許之云  
公有三子道濟道海道河三女適姜日復李桂臣張命  
穆道濟有才行早歿以吾伯父生員公諱道三第三子  
好仁后實主公祀道海一子守仁四女進士崔恒鎮金  
俊臣鄭重煇朴來彥道河一子木仁二女崔宗燮鄭台  
煥姜日復四子宅文宅揆宅齊宅和李桂臣嗣子奎運  
張命穆二女權 一尹相和好仁有子鼎文鼎武鼎忠



女姜浩淳守仁亦早歿以吾伯父孫鼎年后木仁一子  
光鼎女幼崔恒鎮三子獲洵潑鄭重焯嗣子來望崔宗  
燮有子琇壁文科佐郎餘未盡錄木仁端潔有文行追  
念先蹟恐久遂湮晦以體仁嘗建侍杖屨請為誌謹叙  
次之如右係以辭辭曰

嗚呼使公得早置之館閣臺省少售其風稜之峻言論  
之正足以鶚立朝端斥邪討不軌振肅綱紀扶尊大義  
為殿上虎鐵面御史無疑矣雖然卒不踐嶺海之險而  
得保我家族考終先廬者未必不由其沒身坎軻失志  
窮居謂公幸歟不幸歟羽谷之原松檜鬱蒼庶終挈妻

子從父母夏千百歲以徜徉

伯父成均生員府君墓誌銘

府君諱道三字士達姓申氏系出鵝洲高麗版圖判書諱允濡生諱祐高麗按廉使至孝廬墓雙竹生墓前是為府君遠祖有諱之悌承旨 贈吏曹參判號梧峯是

為五世祖有諱弘望正言號孤松為高祖有諱漢老諱叔範是為曾祖祖考諱貴龜妣載寧李氏通仕郎櫟女參奉尚逸孫晦齋李先生五世孫洸外孫府君生 肅廟乙亥 英宗丁未中司馬歿壬戌享年四十八生而儀容博大氣象和厚對人言語風流動盪所至傾仰無

不心醉性至孝事  
以婉容色笑承其  
奉養之資必先意  
琴歌以娛之或置  
雜物以供寢處玩  
日夜不厭下至閭  
嘗以疾言遽色加  
獨坐按絃彈數曲  
或命之絃輒欣然  
不手其絃漠然若

融春風滿面未嘗少懈爲養親旁通醫藥鍼術雖閭里  
賤隸中夜告急乞哀亦不辭親往按視節度又極嚴密  
奉先祀誠敬備至子姪有過始用和顏開曉其則或嚴  
撻之見人不可輒面呵不少饒人之慕其德者亦必畏  
其威嘗築室于村之西谷名曰養神堂種樹成林歌詠  
其中遇事或極艱險難濟不費力容易措辦盡心先事  
不憚賢勞始終不倦筆力優餘神速應用無滯見之可  
知爲有德心畫也歿之年冬十月始葬義城羽谷雲坊  
山中移泉洞卒安厝于黑石辛向原歿之日先祖考七  
晝在堂推曾而哭曰孝子亾矣宗族號于家僕隸叫于

途以至桃源

莫不怛然

者不能殫記

以司諫諱

癸未墓耐

八歲喪母


重仁力學

鼎五攝宗

女金冑範

鼎文鼎武









牧與樵永護其幽宅

亾子成均生員鼎辰墳銘

錦山之陰有淵有谷錦淵翁父子分處淵谷父棲淵上  
子在于谷每日晨夕子來淵上省父相對怡悅質難講  
討退而入谷讀書竭力供滫瀡無闕忽病于谷終于谷  
葬于谷一身生死不離此谷葬之日父哭之曰天來余  
號曰錦谷子幽宅魂魄千秋兮永托此

墓碣銘

申子純墓碣銘

東陽申子純生而資性仁孝氣貌溫粹志遠才高未及















































































精道德之純尚稽從祀之典以孤士林之望至使敬履  
之徒得肆邪說於其間以爲盛世之疵或者天其欲來  
斯文耶何道之不行也云云其後一路章甫又請從祀  
五賢而公又製其疏其略曰惟我東方檀治已逝箕範  
失傳寥寥數千百年未聞有真儒倡明道學而幸賴皇  
天佑啓我朝列聖相承崇獎道學人才之出復絕千  
古卓卓然爲後人矜式者有若文敬公臣金某文獻公  
臣鄭某文正公臣趙某文正公臣李某文純公臣李某  
俱以間世之資蔚然相繼而作學究天人之精微行全  
君子之純粹非但爲一時弘儒實百代之宗師也臣等



































不怠年甫志學隨魯軒公遊宦往在京邸疎庵任公叔  
英與魯公心契最密見公異之欲爲之教訓成就公遂  
往學焉服膺師訓尊信敬受無敢或懈時昏朝政亂疎  
庵退居廣陵江上十餘年與李東岳安訥鄭玄谷百昌  
李澤堂植諸名公道義相孚講論名理公周旋其間觀  
感興起日有進就及其南歸也疎庵作序以贈之特許  
公博學明辨志行才氣之高至以終接武於間世豪傑  
相期也及疎庵卒而不幸無嗣公行心喪之制主其喪  
祭哀集遺稿就正具眼校讎鋟梓又立石表其墓聞者  
多之既終制卷而歸鄉益尊所聞篤志勵學事親盡孝

承顏順志溫清甘旨靡不用極壬午冬丁內艱哀毀過  
人既服闋薦授司穰院參奉未幾見遘丁亥丁魯軒公  
憂執禮致哀一如前喪自是絕意仕進隱約自守惟以  
退養爲務扁其室曰退庵以寓其志居家日用可見之  
行自有成法處閨壺以禮友兄弟盡歡尤致謹於奉先  
之事嘗謂今人多自處廣廈而奉先靈於僻陋小室非  
人情所安遂告伯氏改立家廟一遵家禮制度又嘗營  
立累世墓碣伐石既具而未及暨後人藉而成其志又  
特明於譜學國中士大夫家族系派服無不洞曉人稱  
肉譜儀範儒林扶植鄉風多有所裨補爲文章平易明

暢自成一體後生時嘗學爲舉子業不待鍊琢自中程  
式儕流皆以爲不及也以甲午九月十四日歿享年五  
十五葬于杞溪縣道洞壬坐之原配令人全義李氏儀  
賓都事 贈左參贊諱者俊之女文科節度使 贈領

議政諱濟臣之孫貞謹得婦道無違後公十二年歿祔  
葬公墓公有五男一女男曰仲均仲坦仲屋仲培仲增  
女適金世基側室二男曰胤李仲址仲均無子以慶祚  
爲嗣仲坦生慶禮慶祚仲屋生慶徽仲培生慶遇仲增  
生慶鉉慶銓金世基有四男以鈺以鉉以鏡以鈞餘不  
盡錄於乎公以世德之懿家學之正胚胎前光服習庭

訓既又摳衣於當世大匠之門得以親切承誨且如一  
時儕友如李海昌姜與載趙壽恆諸公同門受學切磋  
琢磨天若假之以年俾究其業則其志行文彩之所以  
表顯當時垂示來後者必不止此而奄忽中途壽未稱  
德其平日所著文又不幸見燒於回祿無以得徵其影  
響萬一爲后孫者固將相與興嗟不已也公之旁后孫  
達煥嘗請魯翁行狀而且以公實紀賈來請并惠爲狀  
自惟衰病固無以輒應所懇遂一依本家文字而略加  
刪潤別無增益攬改惟冀尚德者知所裁取焉歲在癸  
亥季秋下泮鵝洲申體仁狀



故寢郎箎叟鄭先生行狀

先生諱葵陽字叔向號曰箎叟鄭氏系出烏川鼻祖諱  
襲明高麗樞密院知奏事以毅宗師傅直諫而死事在  
麗乘其後簪組相承至諱仁彥官判書有子諱光厚仕  
本朝至冬官卿歷二世而有諱從韶捷重試文章節  
行爲一世所重又二世而有諱允良參奉遊退陶先生  
門有學行是生諱世雅號曰江湖叟壬辰倡義讓功入  
山後累贈至兵曹判書諡剛義公是生諱安藩副司  
果於先生爲高祖曾祖諱好仁文科帶方伯祖諱時行  
務功郎考諱碩胄成均生員妣義城金氏進士諱邦烈

女瓢隱先生諱是楹孫以顯廟丁未四月二十九日  
某時生先生于永川大田里第先生生而天資英敏儀  
容清秀六歲始受學凡有教授輒能曉解文義日夜誦  
讀不輟未數歲能屬文聯句語輒驚人歲丁巳年十一  
致書于再從祖主簿公曰今國家多憂願叔祖南伐倭  
寇北擊匈奴作萬古忠臣也主簿公大異之答書勉讀  
書時叔祖鶴巖公隱居修行先生與伯氏埴叟先生共  
往受四子鶴巖公見先生兄弟質美才高每語之曰近  
來俗學壞人汝曹雖不免隨俗應舉而惟先定趨向整  
理本原可也因著訓誡之說以貽之先生常佩服自省

無敢少懈既成童遍讀諸經史見解志業日大以廣傍  
治舉子業爲詞賦論策不待究思操筆立就丙寅赴別  
試鄉舉考官以理氣發策條問甚夥老師宿儒皆愕然  
因知攸對先生援據古訓歷歷論陳考官覽之驚歎曰  
此英材也揀置異等卒見屈南省先生不以得失爲念  
益專意向上海午夏遭外艱先生宿疾憊憊往往危劇  
猶嚴謹持禮不以疾病少懈壬申闈制奉慈夫人入母  
子山中卜居于小隱洞爲攝養計一日閱心經忽覺汗  
出沾衣遂作詩以自警曰赤子初心堯舜如皇天昔日  
降衷余齊山久被牛羊牧神舍還爲盜賊居二十餘年

長醉夢三千儀禮卽遺條如今始覺工夫在晚向荒田  
強把鋤常沈潛反復未嘗釋手人或誡之曰積年病瘳  
刑精書冊無乃有傷損乎先生曰治心實爲養病之要  
寧有損乎族父涵溪公來訪信宿與之談論大悅曰君  
之有志大業如此疾病困厄無乃庸玉汝于成乎自是  
謝棄場屋絕意名利專精講討望實漸隆門內子弟及  
鄉間後生之問業請教者稍稍來集先生愛山中水石  
之勝爲作小窩于溪上名之曰觀物日夕寢處其中講  
究體驗時葛庵李先生自愁州移配晞陽先生特致長  
牋質問性理書數十條李先生見書稱歎謂見解之博

當世所罕逐條報答往復辨論不已也戊寅秋挈家還  
大田故庄已卯春奉慈夫人避痘先生忽發癩未幾慈  
夫人又繼染竟至不幸先生椎擗什地絕而復甦三年  
不脫經帶辛巳又挈家入尾南山下卽橫溪也一區林  
壑窈窕水石特佳乃作小齋于臥龍巖北以溪名近於  
橫渠取張先生遺語扁之曰六有因作六有圖揭壁以  
自警又築小窩于紅流潭上爲其樸陋而名以太古造  
小艇泛之或月夜攜琴或帶雨被簑鼓柁上下令冠童  
誦漁父詞赤壁賦以聽之頃叟先生亦以時來往畱處  
與共講討丙戌頃叟先生又挈家來會與之日夕湛樂

聯床共被於是取周雅常棣八章爲伯仲倡和之資次  
列墳箎新書圖而自述古體三章以係之凡有所唱酬  
次第收錄名曰墳箎錄其他記述及與知舊門人問答  
并附焉因合手爲序以弁之凡諸生來學者亦輒遞誨  
分教以小學家禮爲先次及四子諸經待其熟復而後  
令讀史傳生徒日益多聚溪舍不能容遂與墳叟先生  
剏高山社于高密谷中以處之又營建玉澗亭并手作  
小記十景諸詠遠近士友爭相賡和名之曰玉澗唱酬  
錄且以高山陡絕學子來往甚艱遂更拓址於太古窩  
北作數楹茅屋扁曰進修齋揭朱子白鹿洞規及十訓

敬齋箴又自著學規十數目令生徒逐日展讀訖行相揖禮月朔齊會設講以驗其志業勤慢仍行鄉飲酒投壺儀且依張南軒答謝夢得書意作上醫治心丹又爲敬學淵源圖俱有小說與墳叟先生參攷禮書及諸賢文集編成改葬備要一卷又嘗謂古今疑文變節枝分葉繫曾子問一篇不足以盡其變與墳叟先生逐條論辨以家禮爲綱而附以經傳註疏及宋儒東賢諸說各以類編名曰疑禮通攷又作居家節目三十餘條自識其下曰凡人居家之節自有司馬溫公書儀而貧富堂室之異古今時世之殊不能無難行者且自家身心上

工夫元未拈出此正疎略處也茲敢量空裁節為家間  
日用之科亦足為治身正家之一助云甲午秋繡衣以  
隱居求志博通經學所見精澂等語褒 啓及還 朝  
又特陳 啓極言先生學術之正行誼之高 上特命  
收用除 顯陵參奉洛中知舊多貽書勸起先生笑曰  
吾若有意於世自當不廢應舉况此鹵莽者本無為善  
之實而 聖朝誤聽而收錄是欺君也方此愧忸之不  
暇尤何敢承當哉遂辭疾不赴後有京居一士人來訪  
畱宿勸之仕先生笑不語特以詩示意詩曰有人來訪  
我無語坐溪濱莫侑觀音肉偏嫌老媪娠蚊肩要海岳



蛛腹訝經綸豈若吾天爵修來自潤身嘗聞中國有難  
擬上疏請北伐旣又自解之曰以范文正公責止橫渠  
上書擊遼之義推之此非布衣所宜言乃卽自止戊申  
逆變猝起先生聞之奮然垂涕與頃叟先生議曰吾輩  
雖隱伏草莽不可坐視 國難况梟獍近出吾嶺此嶺  
人之恥也豈可與此賊頃刻俱生乎遂共草檄文其略  
曰 國家三百年休養之餘逆豎忽起稱兵犯順震驚  
君父危撓 宗社此實古今所未有之變凡食毛含  
生之類孰不沫血奮拳思欲食其肉寢其皮哉不佞等  
非但愛君憂國之心出於秉彝壬丙之亂吾先祖及鄉

父老相繼舉義家庭之間不無傳述興起之端敢此不自量度妄欲與同志者併力相議爲國效義伏願僉君子同聲相應從速赴義生爲烈士死作忠魂勉之勉之八郡學召集境內儒生應募者幾至數百人推先生爲義兵將於是收兵聚糧又通諭於道內列邑將指日赴敵尋聞賊奴已就擒遂罷會而歸作詩以寓志詩曰幾年林下戴儒冠此日提戈擬討頑休把商山較出處歸來故壑卻駢顏大田里有故李公諱甫欽號大田嘗與錦城大君謀復魯山被極刑墓在郡北先生特爲文以祭之曰後學鄭某以首陽枯蕨栗里黃菊敬祭于大

田李公之墓嗚呼扶天大義貫日精忠一片青山萬古  
冤血永人尚相與傳誦不已也庚戌夏墳叟先生寢疾  
危劇先生泣請曰昔康節臨終伊川有問答語能記起  
否墳翁答曰記得仍與之訣曰吾與君共理斯學未究  
業而死世道之責君其勉之先生泣曰蚊何以負山乎  
七月墳翁易簀先生號痛欲絕殮殮諸節皆準禮盡誠  
既葬收拾遺文編摩繕寫自是不復入玉礪亭曰吾與  
先兄數十年共被聯案于此今則兄不在矣吾何忍獨  
處遂居宿于六有齋北小室取衛武公抑戒之意扁之  
曰懿齋遂抄抑詩中要語為懿齋詩仍著座右銘數十

餘日揭之壁上朝夕觀省先生嘗與頃翁致書于丁愚  
潭論士君子出處大節又共致長牋于明齋尹公論性  
理禮家諸說多有所相發尹公欣然敬服人或誡之曰  
近世東西分黨之後物色齟齬今公之事雖出於公心  
而末俗譎譎無乃招人唇舌乎先生笑曰後世朋黨之  
習本非大君子中正之道况此老屏跡山林無與於世  
吾輩亦山人不談世事只談義理何傷也晚年充養積  
久德器渾然士林望之如喬嶽登門受業者百餘人往  
來質問者不可勝數道伯嘗以朝命書問戶布游布  
結布口錢便否先生條舉以答之略曰我國所謂兩班

自殷太師以來已有之國家之倚以爲元氣者毋論未  
仕與已仕閭閻之賴以爲維持者毋論不學與能學居  
處之養持身之節與阜隸迥然不侔一朝忽以良役之  
故驅以爲正軍之保則畢竟捐吏爲刀士族爲肉鞭朴  
狼藉隣族不保則無知走卒雖有些誦而有識章甫之  
心舉皆惶惑將至於巷議街談家騷戶屑士族子弟設  
或有不學浪遊者何從而別之若非土著者則朝來暮  
散之輩又何以徵其布也戶布口錢游布三者之不便  
據此可驗若夫結布則猶爲彼善於此凡徭役之無名  
者易致謗怨而有名者雖或有過當其怨不長伏惟裁

處幸甚道伯趙公顯命以書致問曰適幸忝按茲道近  
被休先生將薄物謹行古人執贄之禮未幾因巡到本  
郡以單騎來訪講質大學近思錄諸書及歸至中途寄  
詩曰橫溪處士閒無事莫笑塵埃役役人不有皋夔經  
濟術政難安頓瀨箕人傍近守宰亦皆來訪或畱贈詩  
章或講問經義或遣子弟請學先生率以禮相接披心  
腹以應之而至於干請之事未嘗以絲毫相及凡於辭  
受之節特審禮義裁處花山宰嘗聞先生患痢送藥物  
米斛以問之先生曰窮山跽伏之人坐費公穀爲未安  
遂辭米斛不受而只受藥物地主又爲先生特蠲減戶

役先生以書辭之曰庶人在野往役義也若或寵而異之則誦劣本無可取或憫其窮窶則四境皆窮民安得人人而不役耶乞速還寢以安賤分道伯卿相之前後薦擬亦不謀相繼始者繡衣旣薦除寢郎不起而越歲辛丑銓曹又特擬璿源殿參奉又擬咨議教官而未蒙批道伯朴公文秀銓長宋公寅明右揆趙公文命皆請超授六品以慰士望道伯趙公又陳疏特薦曰永川人鄭某勤經習禮充養有素忠信博厚頗有德器請檢用除職使道臣守令敦勉勸起時時召見講問經旨詢訪治道如明宣朝故事則庶有旁招之實

效云云 上溫批答之書姓名於 御壁而令該曹檢  
議至先生既沒未葬而銓曹又陞擬冰庫別提可見其  
德盛望重秉彝同好也先生蓋於壬子夏避瘟在於谷  
忽感疾危劇道伯趙公致藥物問之先生飭子弟謂夏  
勿煩公也疾既革精神猶不亂口號自警歲題壁遂於  
六月十五日戌時使子一珪正席而終享年六十六門  
人鄭重祿鄭榘鄭梯曹龍翰等以先生平日所著淡衣  
幅巾襲斂如禮題銘旌曰徵士箎叟鄭公之柩從遺意  
也既成服遂奉柩殯于懿齋道伯趙公聞之驚歎曰此  
老孖亾實係嶺通盛衰遣營吏護喪致賻楹特優遠近



士友亦多爲位聚哭多十月葬于新寧縣東新村里負  
卯之原操文致酹者連日夜未已本邑校院及隣鄉學  
宮奠儀亦相續不絕先生蓋以其才資之美志業之大  
勃興於叔季渚灘之時伯仲同德墳篋迭和夙夜講討  
卒成大儒以倡明絕學興起斯文爲已任其門路趨向  
之正未嘗不始自鶴巖公發之而鶴翁之受於家庭者  
實有所本於慕堂孫公慕堂孫公實有得於寒岡鄭先  
生門其淵源所自自有端的可驗而又嘗講訂於海岳  
魯城益聞大方之說與李密庵金壽山曹屏厓諸賢道  
義相磨一時師友之助於斯爲盛矣故先生爲學規模

甚廣節度甚密未嘗不一循成法主敬以立其本窮理  
以致其知力行以踐其實蓋欲以一心而管萬物之衆  
以一身而應萬事之煩期於必究極推致委曲周盡不  
欲以一善一藝成名而必要盡舉全體得做豈後學之  
所敢容易擬議者哉先生之於堦叟先生蓋與兩程相  
似其工夫之嚴密旨訣之精微未始不相與發明迭爲  
證左而先生嘗撰堦叟先生行狀一通有道之言嚴謹  
切實表裏精粗備述無憾若以此反隅於先生而究其  
實則乃亦莫非先生事也雖把作先生實紀看亦可也  
先生不喜著述其中年以前所嘗哦咏者則先生旣自


謂涉於詞章不可示人以筆抹去之其餘所存書札詩  
文雜著已合載爲墳箴錄而共爲數十卷所編有大學  
劄錄改葬備要疑禮通攷二書實兩先生所共編輯而  
通攷猶未卒業心經質疑啓蒙解疑是墳翁所纔始手  
者先生續而成之配仁川李氏教官諱碩馥之女察訪  
諱雲吉之孫先生無子以族弟重祿之子爲嗣卽一珪  
也一女適士人趙麟經一珪生二男曰東範曰夏濂出  
后本生家二女適金學傅張壽淵趙麟經生二男曰錫  
龍文科承旨曰錫鷹二女適生員黃啓熙李挺甲東範  
有二男台煥台攝二女適洪灑李宗標夏濂有二男啓

休再休一女適徐惟磬台煥二男龜齡鶴齡皆早歿二  
女適李鼎九金升教台攝長男必虔餘幼啓休一男裕  
壽一女適權致殷再休一女適李聰發先生歿後至今  
經七十餘年而狀行之作尚未屬筆白先生之曾孫台  
攝以體仁嘗僭校垣箚錄獲悉先生始終冒寒來訪囑  
其必編述成狀自惟末學耄荒神思短乏固不敢冒昧  
承當而謬囑勤摯有未得終辭者乃敢以梅山令公所  
著行錄及先生嗣子所編年譜爲原本略加隱括相準  
裁取僅成一篇如右恐無以發揮實德萬一云爾上  
之七年丁卯孟夏月日後學揚州申體仁謹狀

密城孫公行錄

公諱守會字聖一世爲密城人有諱順至孝載東京誌  
是爲公鼻祖有諱英濟蔚山府使有德行載東城誌是  
爲公六世祖有婦人張氏當壬辰之亂抱二子投厓死  
烈旌閭載密城誌及續三綱行實是爲公五世祖妣  
有諱昌祖諱碩輔是爲公會祖祖有諱萬玉孝友能文  
屢發解竟屈省試人惜之娶碧珍李氏是爲公考妣公  
以戊寅十二月八日生幼有至性愛親異凡兒年十六  
遭父喪哀毀踰制隣里見者已目爲孝公猶自謂幼未  
盡禮有述懷文辭意慘苦有不忍讀者竭誠事母晝夜

不離出戶如廁必扶持滫瀡甘毳之供必親為之承順  
慰悅靡不用極母夫人年老無聊惟喜聞古語公每出  
就人搜古語得奇怪神警可聞者一一歸誦或作小兒  
戲以資權笑如古人弄雛然嘗侍疾嘗糞甜苦以驗差  
劇湯藥必先嘗憂慮過常不甘眠食一日雙鬢忽白歲  
癸亥母夫人以天年終公時年五十有六號慕如孺子  
欲以其未得盡於前喪者盡於後喪既葬廬墓側屏婢  
僕獨許二子來炊畱弟守几筵每於殷奠來哭奠畢還  
廬繞墓號泣以終三年風雨嘗掀廬幾不免摧壓公強  
二子歸村第獨坐哀叫不已風雨尋止盜夜來穿廬欲



不可及也倅又濟人溺水欲代薦公名署活人階公笑  
曰吾寧假手取武科耳倅不能勸有逃奴八九口冒驛  
案爭訟當推者置不問凡平日言行可觀非獨於孝也  
密人嘗服公之行發書相告曰卓然之行不可使之無  
聞遂詣府交請以告方伯必欲有以旌顯也竟未上  
聞密人至今恨之公娶昌寧曹氏生四男二女男長克  
胤爲公從兄后次克孝克明克祥孝與祥卽炊于廬者  
也女長適申 無后次適朴燮後公歿三年公之諸  
胤旣畢公之喪草成行錄一通并賫鄉人薦書囑體仁  
爲狀體仁竊惟公之事親可謂養則致其誠喪則致其



哀者矣諸胤之必欲狀而傳之者不亦宜哉遂不敢辭  
略加採次如右後有君子當覽而裁之辛巳孟春下浣  
鵝洲申體仁謹狀

成均生員李公行錄

公諱臨厚字兢如全義人高麗開國功臣大匡大師諱  
棹之後朝鮮戶曹典書諱丘直之十二世孫兵曹參議  
諱之華之玄孫碧潼郡守諱時格之孫考諱益馨娶女縣  
監洪萬規女以己卯十一月七日生公己酉中司馬公  
生而風範秀偉天資溫雅與羣兒遊同遊兒爪攫頰出  
血公笑不怒已以有量稱長益忠信厚重與物無畦畛

孝友出於天賦輕財好施與務濟窮乏知友愛悅敬憚  
稱爲君子九歲遭父喪哀毀如成人及葬諸父憫孺病  
不許隨輦公椎曾頓足母夫人命奴負詣墓繞穴叫叩  
有不忍目者朝夕親監奠具婢僕有不謹者輒警之事  
母夫人晝夜侍傍不少離出行必告歸限期反面凡  
遇飲食母夫人有未及嘗者不自口承順懼養靡不用  
極隣媪每戒其子不順曰若不見李上舍乎何獨違吾  
志也母夫人嘗病痢屢月公衣不解帶湯藥嘗糞洞洞  
屬屬終始不懈脩瀆滋味極力求致雖號爲富貴家不  
能踰也及遭變歿終諸節特致審慎不以哀遽自亂旣

殯冒寒守柩霜露透體不暫就溫室祔葬考墓先期啓  
舊墓拚和號絕如始喪設兩殯于山叫泣守奠時冬雨  
連旬且山中豺虎晝嗥人共危之公不暫避季父節度  
公握手哭曰吾兄與吾嫂有靈謂若何如也吾寧共處  
此耳公不得已隨入村第坐經夜雞鳴還次葬時躬起  
取土塗穴填補空罅役者感赴爭先無敢懈者居喪無  
違禮三年不見婦人之面盛暑鬱燠不脫經帶喪畢掃  
墓血淚輒沾襟臨祭沐浴齋戒克致誠敬公嘗祭墓還  
婦許氏家送魚鮮未及薦墓公不忍食許氏亦不食盡  
以饋人母夫人嘗嗜雉祭必求薦一日臨忌祭恨未得

雉忽有飛雉來入家厨聞者異之處兄弟不私貨財許氏家嘗遺公金三百欲買宅公盡爲兄宦遊資臧穢器用無物我內外上下化之一惟其意嘗與二兄共邁痘二兄俱不救公獨全傷痛幾不保以親在故或不形于外而往往低首暗涕跼縮含悲頭容因偏欹及葬二兄適大侵孤俱幼公竭力營窆無遺憾嘗有許氏家所遺錢盡取爲二葬費不問多少後二兄家償以土公歎曰乃兄弟死生間事耳豈妄言也二家曰此本許氏物也與家財自異且各不貧足以償葬費不必然爾公不得已擇荒薄略受之婦家亦聞而義之嘗於母夫人不安

時叔父母又病頽公晝夜來往救視無間叔父母既皆不幸初終歛窆主辦無憾撫諸孤姪如己子嘗捐財邀師教之姊甥柳公沃貧無以養親公給土田俾資菽水告乏輒周之甥女適人貧甚公捐百金以助有田在晉陽地春秋船穀而至公或躬往遇親友窮乏者輒散與之到家必分濟族親下及僕隸公故友鶴洞李公師勛文士也貧不赴京試公製衣具騎從資之或出遇行乞寒餓辦衣食救之歲辛壬大饑丐兒填街巷公設粥賑之如是者累日奴有善盜竊者一日公使之附鼎于竈是夜失之知奴必盜之夜召密諭翌朝奴還鼎因不斥

出之任使如故奴感其意終為良民歲戊申 朝家討  
賊亂捕四出朝野重足公方坐語在家忽有金吾卒急  
來升堂問之曰李上舍為誰乎坐者無人色不敢指告  
公坐不動徐語之曰吾也胡為問卒曰信然乎公讓之  
曰士夫有言奈何不信卒謝曰聞公知名南州欲一見  
之果然爾吾方押賊累去顧穉幼寒無衣恐道斃知公  
有急義遂欲乞衣也公又嚴讓之曰顧今何如時也奈  
何驚擾重閭也遂略施之聞者偉其事謂有定力難及  
也公平生不事生產業一以信義為務家無畱粟身無  
餘衣或為公勸稍節之公笑曰吾不忍吝畜財穀為守

錢虜也見士友有文雅行誼者輒樂與之交久而能敬  
歲丙辰公有處變合義者知者嘗賢之越四年己未十  
一月十八日歿享年僅四十一歿之時全義氏一門內  
外老少皆坦然泣下謂躒棟樑姻親儕友相與悲曰善  
人亾矣豈不惜哉許氏籍金海父諱輔家甚富厚生長  
豪華及歸公漸就實約篤於孝友亦公道之也後公幾  
年歿祔葬公墓墓在星州羅亭里某向原公無子以仲  
兄子柏臣嗣一女適申宅仁柏臣無子早歿嗣曰楨一  
女適朴某申宅仁有二男二女男長翼之女長適李某  
餘幼公之從子松臣氏乃楨本生父也後公歿幾年亦

早歿嘗哀公志行湮沒及其病且革伏枕草成行蹟一通召申翼之付囑體仁曰我且死若必持是錄誦吾臨絕語往懇之得有所編述使季父志行粗明吾與若共無恨也未幾死翼之於體仁從祖兄子也一日遂誦松臣氏之言袖錄來請體仁遂不揆愚妄略加隱括以還之恐無以發明萬一云爾

大山先生言行總錄

先生生而天資穎悟志尚超凡生在叔季而慨然以斯道自任起自科目而蔚然爲一時儒宗世降教弛聖學不明務躬行者或緩於致知重文藝者或忽於實工又



或過高徑約艱險滯澁殆涉異宗而先生之學獨得其  
正知行交修敬義夾持究極精微而不離於日用反驗  
親切而無間於內外體用俱舉本末兼該平易明白圓  
活流通得濶而存久則有本而不窮養熟而積厚則闇  
然而日章紹百年幾絕之緒而啓後學無窮之業抱大  
人匡格之志而厲難進易退之節不欲以辭爵自高則  
陳情乞遞自謂有病而難仕未嘗以學成自足則謙虛  
退讓惟務取人而爲善文章敘述固非所重而發潛闡  
幽之功亦有補於世教書尺往復只酬日用而開蒙警  
惰之語莫非切於斯學一生全體始終無疵求之近世

始寬其倫若此者雖謂上繼陶山之統而得濂洛關閩  
之傳恐非過語也蓋先生自髫髻時來往外氏薰撫外  
王父密翁之訓而聞存葛兩先生家傳之學及長而隨  
俗應舉自有向上之意讀書做文不出義理之說又喜  
從先進長者遊聽其議論而感發興起纔踰弱冠登第  
出入末班少試下邑旋自解歸時象乖激進塗久塞先  
生不以爲意優游林下專精問學乃以斯文湮晦絕學  
難紹爲憂而激勵奮勇之志不欲以一善成名聖賢義  
理之書未嘗頃刻釋手朋友來往必以講明爲急明牕  
靜几歛襟端坐潛心玩究終晝竟夕以至五十年之久

而終始如一蓋其工夫次第先從大學入頭以立規模  
次讀語孟填補間架終又會極於中庸溯得一源一循  
成法未嘗或違讀書之法必先究經文正義以立頭面  
遂以章句集註相準發明極其歸趣而未嘗繳繞於小  
註濼洛關閩之書無不精究細討鉤發微蘊條理極明  
語類節要等書其得力最深蓋嘗終身服膺須臾不捨  
講究誦說未嘗或輟亦嘗篤信溪訓攷覽遺集据而為  
準蓋將心存而力體之必要需用不已也故其半生以  
前工夫多在窮格得力半生以後工夫多在存養收功  
窮格之方必以讀書明理為急而存養之法一以主敬

爲本自天人性命理氣之源以至疑文變節無不熟講  
深究反復不已體驗戒謹之工無間於未發已發嘗自  
謂靜時或有所存而動必難持說時雖易而做時恐不  
如意又嘗曰古人所謂融釋脫落四字此最爲好境界  
在正須玩會此其平日用工節度而其說與學者未嘗  
不以是眷眷也故其存之中則靜一而虛明著之色則  
端莊而溫厚發爲言則簡約而精切措諸行則安詳而  
恭謹論事親則以養志爲至而不貴養口體論事君則  
以純王爲準而不欲爲伯佐學必以盡性知命爲極而  
不安於小成業必以繼往開來爲大而不屑於曲藝觀

先生之行聽先生之言可以窺先生所志也朋友講論或以書札或以面語欲必極辨無隱而不以己見爲主學者執經請受必提出肯綮先要解說一番聽其言或契於意必欣然色喜優加獎許不合於義則亦不斲然斥非必曰其說亦好矣但如此如此未必然須更思之云云酬酢如響從容不迫必要各盡所見終歸是當而後已惟應接日煩靜攝無暇子弟深以爲憫而先生未嘗或倦必冠帶將迎委曲酬酢講授不輟亦未嘗苟循情貌輕與人從遊少時遊宦在京搢紳相知或有來往而先生絕不往謝閉館看書跡不出門或疑其苦隘而

不自爲悔足以見先生平日所養也一代先進或各以  
所見解經恐誤後學先生輒著爲成說極論力辨溪門  
四七之說公案已決而後儒傳襲各據一偏分開渾淪  
有難折衷先生乃集格言爲說以證之朱子敬齋箴此  
最切於學者而其用工地頭不一先生乃摭古今名言  
爲集說以明之一心之體動靜無間而其工夫循環不  
已乃排列爲圖端的可据而與心學圖爲表裏退陶全  
集編帙浩穰而其書札特切後學乃裁節要約別爲一  
書而與朱子書節要爲一例又嘗欲以周公事業文章  
著在經籍者採爲一書附以後聖後賢論周公之說名

曰周公全書表章姬聖全體面目之真而又欲編錄溪  
門諸子各叙造詣事實于其下一如伊洛淵源理學通  
錄等書使學者有所統一而不眩他歧此雖未及成書  
然而先生嘗丁寧說此欲人之或卒成其事可見其用  
意之勤而不輕於自任也先生林期蕭灑韻格超邁嘗  
聞有佳山水或徒步往觀賦詩題名以寓其興所居十  
里有曰高山者水石稍奇先生嘗築書堂於其間為道  
遙講學之所自為詩記圖誌以載其事而終以來往不  
復不復畱處增修學舍于宅傍軒曰詠樂齋曰晚玩觀  
善而提攜同志朝夕於斯亦忘孜孜之意也望實曰

隆四方雲趨請學乞文戶屢常滿西北絕徼之人亦有  
千里重趼跋涉險阻來畱受業而歸方伯守宰之過近  
境者朝紳之奉命南來者莫不造門請謁或屏駟御  
特致敬謹亦有孺子在遠聞風欽慕恨未一拜遠近之  
人無論識與不識語及先生必曰大山曰大山文未嘗  
以官爵稱之非平日德義之重有以厭服人心無間遠  
邇豈能若是也故當英宗末年自上聞其名屢對  
廷臣稱之曰予聞李某賢者也今上嗣位特垂八  
眷欲必一見之屢除兵刑禮佐貳之職恩命輒下  
催名日急中外惶懼勸起甚力先生終不自撓輒以



疾辭或中途徑還或在家封章其素計已定而特以  
聖恩隆重分義難安有不敢一於請遞故附古人以言  
事君之義草上九條疏以匡君救弊爲急 上批優獎  
謂當替座右之銘四方傳誦稱爲美事其出處大節無  
復可議議者謂百年後一人也卒以年七十一終于正  
寢寢疾數朔貼卧牀褥日就奄奄神思曠然無減平時  
手脚運措自有節度賓親迭入診候輒舉首致敬未嘗  
晏然自卧前易簣數日呼子姪命筆改鄭龜翁碣文遺  
戒子姪及門少各以其道勉之囑季氏小山公勉唱導  
一門後生加衣拖帶延見門生勸著實用工且曰這說

只是平常別無新異然平常中自有妙處欲必以百兩  
之多車騎之衆尤之便不是非憂道勸學之意炳然至  
死不已者豈能然也蓋先生自始疾時自分難起不許  
邀遠醫曰死生有定限豈容人為顧我猥蒙 國恩爵  
位逾分壽過七十死無憾耳自始至終言笑晏然不以  
一毫憂惱見顏面若以疾病死生一委造物而無所用  
心於其間醫士之侍疾在側者亦察識及此不勝欽歎  
嘗屢為門人言之既發喪遠近聞訃音無不敬焉痛或蒼  
黃來哭或為位而哭於家隣近守宰之平日來往者莫  
不致賻如禮賓客門生自初來侍疾者百餘人至是皆

痛哭失聲開座設儀分定諸執事一依禮經治喪成服之日爲門人者依先儒舊例或加巾帶或以弔服加麻隨情制服者多至屢十人亦有負笈贏糧足纒及門而先生有疾遂未受業者四人及是雖不爲制服然其痛泣自悼悔晚莫逮若無所依歸者視受業無間焉下至閭里走卒皆嘖嘖嗟惜必曰賢人亾矣噫亦偉矣門人旣成服且歸共請于小山公曰明道之葬伊川狀其行今欲叙先生志行以求誌銘匪公其誰小山公流涕不敢辭遂囑門人各有所記又命體仁編錄成篇以備參攷體仁亦不敢辭乃以平日之所嘗見而知之者敢自

叙述如右豈敢曰有所發明哉  
上之六年歲壬寅二  
月下浣門人申體仁謹錄

先祖高麗按廉使府君事蹟拾錄

先祖諱祐姓申氏系出鵝洲高祖諱英美權知戶長曾  
祖諱晉升散員同正祖諱得昌令同正考諱允濡仕高  
麗忠烈王朝官版圖判書清名直節表顯當世人比之  
唐介元皇帝以東國表牋不敬徵撰表人人皆畏避不  
行判書公挺身進啓曰國事無可爲已凡爲人臣者不  
避夷險以循王職是固其分今廷臣鼠畏狼顧爭自謀  
免思全身若千金之重忘爲國如弊廬之賤如是而國

將何保臣請斬輕國愛身之輩以厲其餘遣能事專對  
之人使不生患王嘉納事在麗史妣星州李氏持平堰  
之女先祖居尚州丹密縣館洞里以孝廉進官奉常大  
夫司憲府掌令全羅道按廉使忠惠王二年辛巳拜神  
虎衛保勝攝護軍高麗故事遣近侍于諸道祭名山大  
川糾察民風專制一方黜陟幽明是爲按廉使如今御  
史觀察使非清峻有重望者未或應選也先祖廉介正  
直得自家庭出入臺憲僚采震縮按節宣化貪污解印  
及世季政亂見時事日非羞與俯仰高蹈遠引人之稱  
之者或謂立朝而風采振一代之聲或謂風霜灑塗棠

映御史之節或謂甘心韜晦得行藏之道也

世傳公與吉洽隱攜

手同歸而無顯籍可据不敢直書

先祖事親至孝出於天性判書公卒

廬墓三年朝夕號泣血淚澈土有雙竹生墓前人謂孝

感事聞旌閭名所居里曰孝子里事在麗史及輿地勝

覽續三綱行實今遺墟路傍有小石碑刻孝子里三字

知是旌表時所建過者加敬孝子里西距數里有洞名

清慎判書公墓嘗在是洞而世代寢遠誌碣無徵不幸

失其墓至今密人相傳為居廬洞云先祖墓在孝子里

東十里許蛇浦兌向之原愚伏鄭先生表墓道曰昏濁

之世能以皎潔持身又曰公之孝誠感鬼神幹造化赫

赫在人耳目其後愚伏蒼石沙西諸先生又議立景賢  
祠祀之號曰涑水書院鶴沙金先生撰奉安文曰本立  
道生至誠感神湖西進士洪錫基作雙竹圖歌略曰湖  
節旣化俗柏臺曾飛英至孝神亦知地祇有所呈乃知  
孝子心與竹同其貞密自先祖以後號多孝子至今閭  
里間異蹟繼起棹楔相望論者謂自吾先祖發之也配  
若木柳氏崑山府院君益貞女有二子長曰光富內府  
令次曰光貴知鳳州事內府有子曰士燾后孫居遺墟  
曰士廉彥陽縣監彥陽有玄孫元福參奉以孝友稱元  
祿 贈參議號悔堂孝行趾公羨亦居廬三年 旌閭

享義城藏待書院參奉有曾孫增文科縣監以清白稱  
悔堂有子仙監察仵 贈承旨稱孝友仵有子適道察  
訪丁卯丁丑循義達道脩撰 贈承旨號晚悟丁卯斥  
和悅道正言號懶齋孝友有文章晚悟有子在恭仁縣  
監圭文科佐郎恭仁有孫濂以孝 贈持平鳳州有子  
曰希信丹陽郡守曰希忠河東縣監曰希敬丹陽有曾  
孫介甫司直用甫果川縣監命周扶餘縣監有玄孫謙  
參奉有子應祥參奉司直有子幹直長翰 贈判決事  
直長有子百齡參奉有孫格檢捷參奉有曾孫之禮之  
享直長之仁司宰監正之益參奉母病炷掌祈天之仁



有子鈇親病鶻擊雉之益有子鍾倭擊父以身受人並以孝旌問判決有子應奎參奉 贈參判有子夢得 贈承旨承旨有子之孝有士望載聞死壬辰倭刃臨絕血書寄弟勉死 國之悌文科錄壬辰勲 贈參判號梧峯有德行文章至孝廬享蔽待書院之信以孝友稱亦載聞韶誌梧峯有子望文科正言號孤松遊張旅軒門見稱以春風和氣川有子椿年參奉參奉有子遑龍宮縣監其餘不錄今以鵝洲為氏者皆祖於按廉嗚呼我先祖以超拔倫之操雖未得致位鄉相究展所蘊然歷敷清顯

繼家聲風裁凜然有足動人百行之源垂範後世子姓  
鄉黨相繼興行想平日至行懿德不止如右所記者其  
餘律身御家立朝居官前後事蹟想多超偉可傳而時  
代絕遠無籍可据至如表德履歷及生卒月日并不可  
記子孫之追恨固無窮意苦修撰公嘗膏狀求墓表於  
鄭先生宐有遺草而逸不傳諸宗父兄相與祭歎乃命  
體仁俾修狀錄一通體仁以寡聞末裔何足以闡發潛  
光而旁搜極攷惟舊籍所顯載者是採不敢附以無稽  
謹俟裁取於來後云爾

傳

白巖金先生傳

高麗氏之凶節義輩出一體忠貞撐拄倫綱肝膈共照  
而事蹟相殊顯晦不齊若鄭圃隱金籠巖吉洽隱元耘  
谷徐杅川此其大彰明較著者也以余所聞張達山輔  
之剃髮入山洪敬齋魯度國亾隨化伶官林于石墜死  
巖屋其迹亦卓絕可異也獨湮沒無稱識者蓋莫况當  
日棹舟浮海遐逃永遁歷累百年絕無影響者尚復何  
論哉余嘗謂伯夷叔齋兄弟也恥食周粟共餓死首陽  
山下人到于今稱之白巖金公與籠巖亦兄弟也伯叔  
雙節亦無間也籠巖入我朝褒崇備至廟食百世白

巖聲迹俱泯鄉里後生莫能記其名姓余竊感焉嗟乎  
魯仲連齊之高士也恥帝虎狼之秦欲蹈東海以死其  
義誠凜凜也顧白巖公嘗 聖祖龍興之日乃反托跡  
蹈海欲追躡魯連之風國人之不敢言以此耶况籠巖  
嘗寄送朝衣有巾舄之封過者式其下其視入海滅影  
茫無憑聞者果何如也無怪其顯晦之相懸也孔子曰  
君子疾沒世而名不稱焉謂無實可名也苟有實焉無  
名庸何傷乎予又云伯夷叔齊求仁得仁又何怨乎若  
白巖公可謂求仁得仁而無怨悔者矣雖然顯晦亦各  
有其時也天理孔昭豈終泯滅遂已耶余於白巖公尤

信

其傳曰白巖先生金公麗季人始名濟世家一善之注  
兒里尚書元老之子籠巖先生兄也公與籠巖道義相  
長爲天倫知己幼遊江上有聯句公時年十一籠巖八  
歲公唱一句云巖磨水府子層白籠巖對云錦落天機  
一段紅識者謂二句各畫出平生難誣也及長仕於朝  
籠巖官至典書公知平海郡事一朝國革籠巖嘗奉使  
上國未還公在郡衙義不事二姓乃有托齊仲連蹈東  
海之義改名齊海題詩郡齋壁上曰呼船東問魯連津  
五百年今一介臣假使孤魂能不死願隨紅日照中垠



得舊題六偉詞詞曰一曲墳音何處斷千秋悵仰魯連  
風於是始相顧驚嗟就問籠巖后孫有老人言先祖蓋  
有兄諱某嘗知平海郡麗公托跡蹈海不返此乃家寔  
口耳相傳非有文蹟可攷也越己酉秋平海壁上詩乃  
忽出於龜城士人家實載在徐萬竹所編東國詩譜第  
一卷而其題下略錄姓名事實於是山南人士相與播  
告喜得其實始謀及本孫爲創新祠以白巖籠巖聯享  
一堂名之曰雙節廟蓋公或嘗有號無可攷至是多士  
合議乃拈取公江上聯句中字特稱之爲白巖先生以  
此題祠牌或問後人追號前輩恐未安應之者曰古人





